

primo, de lumine gloriæ, falsum est consti-
tuere objectum in ratione intelligibilis, quia
objectum ejus est Deus, prout in se est, qui
est summe intelligibilis actu, et ideo nihil illi
confert lumen creatum, ut intelligibilis fiat,
sed confert potentiae dispositionem, et vim
activam, per quam sit proportionata tali ob-
jecto, ut recte explicavit D. Thomas, Quod-
lib. 7, art. 1, et alii locis vulgaribus. Idem
cum proportione est de lumine naturali intel-
lectus, quatenus ostendit prima principia;
nam solum est vis activa intellectus: motivum
autem assentiendi primo principio non est ta-
le lumen, sed est immediata connexio termino-
rum, quæ in ipso principio perspicitur, seu
veritas quæ ex illa resultat, et inde sumitur
objectum formale assensus, lumen autem est
principium efficiens. Idem est cum propor-
tione de medio scientifico; oportet enim dis-
tinguere inter assensus principiorum, prout
sunt formales actus intellectus, et medium,
prout objective in eis appetit, et ostendit ve-
ritatem conclusionis; nam de actibus ipsis
probabile est esse principium activum assen-
sus conclusionis; tamen ipsi actus non consti-
tuunt objectum formale, sed medium objective
cognitum, et ita non est idem principium effi-
ciens et constitutivum objecti formalis. Deni-
que idem est de hoc lumine sensibili; con-
currit enim ad visionem ex parte objecti, vel
per modum objecti, aut mediante specie, aut
seipso, juxta varias opiniones; non tamen dat
potentiae virtutem activam videndi, neque in
hoc genere juvat illam; nullum enim est fun-
damentum ad hoc asserendum, ut ex materia
de Anima, l. 3, cap. 10, supponimus.

SECTIO IV.

*Utrum Deus, in quantum prima veritas, sit
objectum formale fidei.*

1. *In Deo triplex veritas.* — Diximus duo
veluti constituere objectum formale fidei, ni-
mirum Deum revelantem, et revelationem
ipsam; et ideo de utroque sigillatim dicere,
et ejus proprietates seu rationes magis expli-
care necessarium est. Quod ergo ad Deum at-
tinet, oportet distinguere in illo triplicem ve-
ritatem, in essendo, in cognoscendo, et in
dicendo. Prima idem est quod veritas trans-
cendentialis Dei, in quantum tale ens est; et
ideo quoad conceptum reale objectivum, coin-
cidit cum ipsa Deitate; nam idem est esse
Deum, et esse verum Deum. Veritas autem in

cognoscendo, in Deo nihil aliud est quam ipsa
divina cognitio, quatenus est conformis sem-
per rebus cognitis; unde duo spectant ad pri-
mam veritatem sub hac ratione: unum est,
ut nihil ignoret, seu ut nulla veritas Deum
lateat; aliud est, ut in nullo erret, seu ut
nunquam falli possit, quia utrumque pertinet
ad summum gradum veritatis in cognos-
cendo, qui nomine *prima veritatis* significa-
tur. Veritas in dicendo est moralis virtus
voluntatis inclinans ad dicendum verum, id
est, ad loquendum semper juxta mentem,
quæ virtus, cum sit perfectio simpliciter, in
Deo reperitur, et in summo gradu perfectio-
nis; quæ significatur per *primam veritatem*
in dicendo. Quærimus ergo an Deus sub ra-
tione veritatis, et sub qua istarum sit objec-
tum formale fidei.

2. *Objicitur quæstionem hanc frustra exci-
tari.* — *Occurrunt.* — Sed dicet fortasse ali-
quis: in Deo non distinguuntur hæ veritates,
imo nec veritas distinguitur a Deitate, neque
ab aliis attributis Dei; quid ergo necesse est
quærere sub qua ratione, vel sub quo attri-
buto Deus sit objectum formale fidei, quia non
potest esse sub ratione unius, quin sub ra-
tione omnium, si omnia sunt unum. Respon-
deo simplicitatem divinam non obstat quo-
minus sub ratione unius attributi sit princi-
pium quarundam actionum, et non aliarum; et
e contrario. Quod adeo verum est, ut sub
una ratione vere tribuatur Deo aliquid, quod
sub alia falso tribueretur; nam ad hoc suffi-
cit eminentia divinae perfectionis cum virtuali
distinctione attributorum, et modo cognos-
cendi nostro, quo formaliter illa concipimus,
ut ratione distincta. Hoc intelligitur aperte
in mysterio Trinitatis, Pater enim generat
Filium per intellectum, non per voluntatem;
producit autem Spiritum Sanctum per volun-
tatem, et non per intellectum, quamvis intel-
lectus et voluntas in re idem sint; atque eo-
dem modo in actionibus ad extra, Deus
punit in quantum justus, non in quantum
misericors; parcit autem, ut misericors, non ut
justus, et creat ut omnipotens, et sic de aliis.
Ita ergo non secundum omnia attributa est
fundamentum fidei nostræ, non enim credimus
illi quia omnipotens est, imo, ut videbimus,
sectione sequente, inde posset oriri aliqua
difficultas credendi; nec etiam quia immen-
sus est, hoc enim per se non refert ad cre-
dibilitatem, quia non ostendit veritatem in ob-
jecto credibili, et sic est in aliis attributis; ob
hanc ergo causam merito inquirunt Theologi

quodnam attributum, ex parte Dei, sit pro-
pria ratio ob quam illi adhibenda est fides, et
hoc est quærere sub qua ratione sit objectum
formale fidei.

3. *Prima opinio.* — *Ejus ratio.* — *Impug-
natur hæc opinio.* — *Solvitur ratio.* — In hoc
ergo puncto Guillelmus Parisiensis, lib. de
Fide et legibus, non longe a principio, dixit
nos non credere Deo quia *verax est*, sed quia
supremus dominus est, cui obediendum est
captivando intellectum in obsequium ejus.
Ratio illius est, quia si crederemus Deo prop-
ter veritatem ejus, jam crederemus ex dis-
cursu et ratione nostra, et non ex simplici
fide. Sed hic auctor imprimis non assignat
specificam rationem objecti fidei; nam obe-
dire Deo, quia supremus dominus est, gene-
rale est, et commune omnibus virtutibus.
Deinde non distinguit in fide id quod est vo-
luntatis, ab eo quod est intellectus; est enim
fides, formaliter loquendo, virtus intellectua-
lis, et sic oportet illi assignare objectum for-
maliter pertinens ad intellectum; tamen etiam
habet honestatem moralem, quatenus objici-
tur voluntati, et per motionem ejus captiva-
tur intellectus in obsequium Dei; Deus ergo,
ut præcipiens, vel ut supremus dominus,
spectare potest ad fidem, ut cadit sub quam-
dam voluntatem honestam; hic autem inqui-
rimus proprium fundamentum ejus, ut virtus
intellectualis est, et in hoc sensu manifestum
est nos non credere Deo, quia dominus est,
sed quia testimonio suo facit credibiles veri-
tates, seu fide dignas. Neque contra hoc ur-
get aliquid prædicta ratio Guillelmi, quia non
est contra fidei simplicitatem, quod tendat in
suum objectum, quatenus verum appareat, et
credibile, quod habet ex eo quod divina ve-
ritate informatur, ut videbimus; an vero in
hoc intercedat aliquis discursus, postea di-
cemus.

4. *Secunda opinio Aureoli.* — *Ejus funda-
mentum.* — *Confirmatur.* — Secunda ergo opinio
est Deum, sub ratione *deitatis*, esse ob-
jectum formale fidei. Tribuitur D. Thomæ 1
p., q. 1, art. 7; sed, ut supra dixi, ibi loquitur
de objecto *quod*, non de ratione formalis *sub
qua*, seu *propter quam*, de qua nunc loqui-
mur. Tribui etiam solet Scoto, in 3, dist. 23,
quia nonnulla argumenta proponit contra
sentientiam dicentem Deum, sub ratione *pri-
mae veritatis*, esse objectum formale fidei. Ita sentiunt frequentius Theologi, et D. Thomas, art. 1, ubi etiam
Cajetanus et alii. Fundamentum autem esse
potest, quia in tantum adhibetur alieni fides,

6. *Quarta opinio quorundam recentiorum.* —
Ejus fundamentum. — *Confirmatur.* — *Expli-
catur hæc confirmatio.* — Alii vero e contrario
dixerunt primam veritatem in dicendo esse
objectum formale fidei. Ita sentiunt frequen-
tius Theologi, et D. Thomas, art. 1, ubi etiam
Cajetanus et alii. Fundamentum autem esse
potest, quia in tantum adhibetur alieni fides,

in quantum de illo habetur existimatio quod sit fidelis et verax in verbis suis; ergo veritas dicentis, ut sic, est ratio credendi in omni fide; veritas autem dicentis, ut dicens est, est illa veritas quae inclinat ad servandam veritatem in verbis, quam appellamus veritatem in dicendo; ergo Deus, ut est prima veritas in hoc genere, est objectum formale perfectissimae fidei, qualis est fides infusa seu Theologica. Et confirmatur: nam si conferamus has duas veritates in cognoscendo et in dicendo, haec posterior multo magis necessaria est, et quodammodo sola sufficit ut dicenti fides adhibeatur. Quantumvis enim aliquis sit sapiens et veritatem cognoscet, si non sit studiosus et rectus in verbis suis, non potest illi adhiberi fides; si autem vera sit in loquendo, etiamsi minus sapiat, dignus fide habetur, quia qui est fidelis in verbis, non affirmit nisi quae scit, et certa pro certis, et dubia pro dubiis. Et ideo ex vi solius virtutis veritatis, censemur quis dignus fide; ergo haec veritas in summo gradu existens in Deo, est sufficiens ratio formalis objecti fidei. Quod ita potest explicari, quia etiamsi per impossibile Deus aliquid ignoraret, nihilominus veritas ejus esset sufficiens ratio credendi illi, quia sciremus nihil affirmare nisi quod novit, vel prout novit. Unde illi Theologi, qui dicunt Deum non certo cognoscere futura conditio- nata, quae nunquam absolute futura sunt, con sequenter dicunt illa non revelari a Deo, ut certo futura, sed juxta inclinationem cau sarum, ut veritas Dei in dicendo semper sit certa; ergo haec est sufficiens ratio objecti fidei.

7. *Judicium de adductis opinionibus, et vera questionis resolutio.* — Inter has sententias haec ultima videtur propinquius ad veritatem accedere, et si necessarium esset aliquam illarum eligere, ea esset preferenda. Vera tamen resolutio est, has duas veritates, seu perfectiones in cognoscendo et dicendo, constituere, nostro modo intelligendi, in Deo summa quamdam auctoritatem in testificando, ratione cuius dignus est certissima et indubitate fide, atque ita hanc Dei auctoritatem esse objectum formale fidei, et sine dubio hoc significare voluerunt antiqui Theologi re lati a Valentia supra, sub § *Primam veritatem*, etc., quando fere omnes dixerunt Deum, sub ratione primae veritatis, esse objectum formale fidei; neque dissentient, ut arbitrari, auctores tertiae et quartae sententiae. Declara turque breviter, nam ad fidem testificantis

duo sunt necessaria: unum est ut falli non possit; nam alias, quantumvis sit rectus et prudens in loquendo, timeri potest ne fallatur; aliud est, ut non decipiat, nec voluntarie alios fallat, ut satis probatum est, et per se patet. Ad primum autem istorum necessaria est veritas in cognoscendo; ad secundum autem, necessaria est veritas in dicendo; ergo utraque concurrit in objecto formalis fidei. Necessarium autem est ut utraque sit prima in suo genere; nam, ut dixit D. Thomas, 2. 2. q. 17, art. 5, necessarium est ut in qua cumque virtute Theologica formale objectum ejus sit regula in suo ordine suprema, et non indigens alia regula; ut in charitate, est summa bonitas; in spe, summa fidelitas, vel potentia: ita ergo in fide est summa veritas in utraque ratione *cognoscendi et loquendi*, et hoc est esse *primam veritatem*. Nec propterea multiplicantur rationes formales in objecto fidei, sed e duobus attributis, nostro modo intelligendi, coalescit una suprema ratio formalis, quae nomine veritatis seu auctoritatis testificantis significari potest.

8. *Quid respondendum ad fundamenta illarum opinionum.* — Atque ita nihil est necessarium respondere ad tertiam, et quartam sententiam; omnia enim quae dicunt admittimus; neutram autem per se solam sufficere dicimus, ad supremam auctoritatem testimoniij divini. Ad secundam autem de *Deitate*, respondemus *Deitatem* sub hoc tantum conceptu non satis explicare rationem formalem objecti fidei, ut satis constat ex dictis. Deinde dicimus fidem, quatenus fides est, non resol vere suam credulitatem in Deitatem, ut deitas est; nam, licet in re ipsa Deus sit prima veritas, quia est Deus, nihilominus fides ad credendum non spectat unde habeat Deus primam veritatem, sed tantum considerat quod illam habeat. Unde ad hoc explicandum possumus uti hac conditionali præcisione: nam si Deus esset prima veritas, modo explicato, quamvis non esset Deus, esset sufficiens objectum et ratio credendi; ergo signum est Deitatem non ingredi objectum formale, sed esse veluti radicem ejus, aut quasi generale prædicatum in illa inclusum, quod fortasse voluerunt Capreolus et Cajetanus. Tandem explicari potest ex objecto visus: est enim coloratum objectum formale visus, quatenus colorem habet; habet autem colorem quia habet talem mixtionem primarum qualitatum, et nihilominus haec mixtio primarum qualitatum non pertinet ad objec-

tio vel falsitas verborum materialis, quia nihil ignorat, nec opinatur, nec judicat verum quod falsum est, nec falsum quod verum est, et ideo non potest loqui falsum quin mentitur, id est, contra suam mentem loquatur; atque ita haec due quæstiones in Deo una sunt.

SECTIO V.

Utrum de ratione primæ veritatis sit non posse fallere seu mentiri, et hoc sit necessarium ad objectum formale fidei?

1. *Introductio ad præsentem quæstionem.* — *Loquendo de Deo, non distinguitur falsum dicatum a mendacio.* — *Explicatur haec confirmationem.* — *Alia formalis.* — In præcedenti sectione, fere supposuimus esse in Deo perfectionem quam nunc inquirimus, non tamen illam probavimus; et ideo hanc veritatem confirmare, et explicare necesse est, quia nec defuerunt haeretici illam negantes, neque Catholici qui illam in dubium revocarent. Coincidit enim haec quæstio cum illa, an Deus possit mentiri; nam, licet mendacium et falsum dictum in hominibus distinguuntur, in Deo distingui non possunt. Mentiri enim est falsum dicere ex intentione, seu cogitando vel cognoscendo falsum esse quod dicitur, ut tradit Augustinus, in libris de Mendacio et Contra mendacium; et Gratian., referens multa ex Patribus 2. 2, quæstione secunda, per totam. Unde duplex distingui solet falsitas dicentis: una materialis, et alia formalis; materialis est, quando aliquis putans esse verum quod dicit, decipitur et decipit, et tunc non committitur mendacium; poterit tamen committi levitas et temeritas in loquendo, quae indirecte participet malitiam mendacii propter periculum; formalis autem falsitas est, quando quis, cognosceens falsum esse quod dicit, illud affirmat, aut cognosceens esse verum, illud negat; et hoc est proprie et directe mendacium. Possumus addere tertium membrum de mendacio formaliter tali, licet materialiter contingat verum esse quod dicitur; si quis enim existimet falsum esse quod loquitur, licet in hoc decipiatur, quia revera ita est sicut loquitur, nihilominus mendacium committit, quia contra mentem loquitor, in quo ratio mendacii consummatur, ut tradit D. Thomas 2. 2, q. 111, et reliqui Scholastici, in dist. 38, cum Augustino, lib. de Mendacio, c. 3, et Contra mendacium, c. 12, et in aliis locis, quae referuntur in Decreto ubi supra; in Deo autem non locum habet decep-